

寿世保元

<十>

069287



新刊醫林狀元壽世保元癸集十卷

太醫院吏目金谿雲林龔廷賢子才編

同邑後學周亮登元龍校

單口咽雜治



食鹽治驗

一凡覺胸中酒食停積或被入勸飲過多一切諸物心下脹滿只用鹽花擦牙齒溫水漱下不過三次如湯潑雪即時舒暢通暢也

一用鹽指擦牙齒少時吐水放掌中洗眼夜見小字此擦牙牙固洗眼眼明

一小便卒不通炒鹽納臍中即下

一乾霍亂土不得吐下不得利出冷汗氣將絕用鹽一大匙炒令紅童子小便一碗二味溫和服之少頃吐下即愈俗名攪腸沙腹痛

壽世保元

卷十 雜治

一

一肝臟氣虛風冷搏於筋遍體轉筋八腹不可忍熱湯三斗入鹽半斤積熱漬之

一齒齲宣露每且捻鹽納口中以熱水含漱百徧不過五日卽堅密

一眼生浮翳粟翳露膜遮睛取雪白鹽生研少許以大燈草蘸鹽輕手指定浮翳就點凡三次不疼痛勿驚恐屢効

一面上酒刺并酒皰鼻切忌手搔手擠只用無灰好鹽炒過如痒卽將鹽擦之如出血出水卽將鹽按在傷處止之久卽除根

一蝎螫痛不可忍以苦鹽點大眼角若螫左邊點左螫右邊點右或只以鹽湯漬傷處亦妙

一婦人陰戶極痒極難忍以鹽塗之卽已

一寸白虫上攻心痛用鹽煮鳶齒莧一碗入醋半盞空心食之少待虫

一脚氣作痛每用鹽塗擦脚膝至足甲淹少時却用熱水泡洗卽已

一喉痺腫痛用鹽炒紅研末吹患處五七次吐出涎卽愈

香油治驗

一中風不語或痰厥氣厥忽然倒仆不省人事急用香油三四兩入射香末二三分攪勻將病人之口幹開灌下通其開竅即便甦醒如無射香用生姜自然汁半盞同服亦好

一中信毒或因氣惱自服急用香油灌之一碗餘或吐或行下即愈若以酒調服者難救其毒發散於周身也

一瘡疽癰毒并天泡楊梅等瘡用香油一斤入水半鍾煎煉油耗白烟起住火以磁瓶收貯每早晚用熟油一鍾對好無灰酒一鍾溫服七日除根

一心痛禁了牙關欲死者用隔年老葱白三五根搗如泥取汁將病人口幹開用銅茶匙送葱汁入喉中用香油四兩灌下油不可少用但得葱油下喉其人即甦少時將腹中所停虫積等物化爲黃水從大小便出微利爲佳永不再發若葱乾無汁略加水在內搗汁

一諸虫入耳香油灌之即出

一產後生腸不收用香油煉熟以盆盛候溫却令產婦坐油盆中約一頓飯久用皂角末少許吹鼻中令作嚏立上神効

一傷寒三五日忽有黃用生香油一盞水半盞鷄子白一枚和之令勻頓服之

一虫咬心痛香油鹽熬熱服一盞

一中菌毒用香油一盞入甘草不拘多少煎一沸勿令黑冷服即解

生薑治驗

一嘔吐不止用生薑一大塊薄切勿令折斷層層摻鹽在內用水濕苧麻布裹之外用紙裹水濕火煨令紙乾取出麻布并紙用薑搗爛和稀米湯呷服即止北方無苧麻用夏布亦可

一咳嗽連嗽四五十聲者用連皮生薑自然汁一合加自蜜二茶匙同放茶鍾內頓滾溫服三四次即愈

一感冒風寒發熱頭疼腹痛用連皮生姜一大塊連根葱白七根連壳
核桃三枚打碎細茶一撮水三碗煎熱被蓋出汗

一痔瘡突出疼痛坐立不便先用韭菜洗淨以沸湯煎於瓦木器內薰
之通手沃洗即愈如未消用生姜切薄片放在痔上痛甚處以熟艾
作炷於上灸三壯黃水即出自消若肛門上有三兩不痔三五日後
如前法逐一灸之屢効

一老人咳嗽喘急煩熱不下食食即吐逆腹脹滿生姜汁十五合白沙
糖四兩二味相和微火温之一二十漱即止每度含半匙漸漸下汗
一傷寒胸膈不寬一切寒結熱結水結食結痞結血結痰結支結大小
結胸痞氣結者俱用生姜搗爛如泥去汁取渣炒熱絹包漸漸揉熨
心胸脇下其滿痛豁然自愈如姜渣冷再入姜汁再炒再熨熱用炒

葱白治驗

神効葱熨法

一虛怯人肢體患腫塊或作痛或不痛或風襲於經絡肢體疼痛或四

肢筋變骨痛又治流注并跌撲傷損腫痛用葱頭細切搗爛炒熱敷患處冷則易之再熨腫處卽已此外補陽氣而運散壅滯之法也

一 刀斧傷被血流不止痛苦難禁急將葱白搗爛炒熱傅傷處痛與血隨止葱冷再三易遂不復痛

一 小便不通小腹脹滿不急治卽殺人急用連根葱白一斤搗爛炒熱以帛裹分作兩處更替熨臍下卽通加些射香在內

一 婦人胎漏時時下血用葱白一把濃煎汁飲之

一 婦人臥乳乳癰腫痛不可忍用葱連根搗爛鋪乳患處上用瓦罐盛火蓋在葱上一時蒸熱汗出卽愈

一 白虎風走注痛痒用三年陳醞醋二椀葱白一斤煮一沸濾出布帛熱裹當患處熨之

一 疔腫瘡無名腫毒以葱白共密搗如泥貼患處立愈

一 人因傷其拇指并爪甲劈裂索金鎗藥裹之其痛不止急取葱白入

糖灰火煨蒸熱剝皮劈開其間有涕取罨損處仍多煨取續續易熱者凡三易之立愈又一人因悞截去一指亦用此法則血止痛消亦不潰良方也

萬羅葡治驗

一酒疾大便下血旬日不止用生羅葡揀稍大圓實者二十枚青葉寸餘及下根用磁瓶取井水煮令十分熟爛姜米淡醋空心任意食之立止用銀器重湯煮尤佳

一腹內初有積聚服此利下如鵝卵大卽愈用羅葡切如麩條半盞熟香油半盞一處同炒黃色入水二盞煎至一盞連羅葡空心溫服通後以米飲調養二三日

一吐血并衄血用羅葡搗汁一鍾入鹽少許服之卽止或以羅葡汁藕汁同飲及滴入鼻中亦妙

一牙宣出血用白羅葡一碗加鹽一錢不時漱口卽止

一疥瘡瘙癢不止用蘿蔔一個內取一孔納硫黃不拘多少仍塞口灰
火中燒成汁取出搗研再加脂油同搗外加硫黃銀硃各少許搽疥
一聲音不出用蘿蔔三個切片入皂角一挺去皮子水一碗煎至半碗
以下服之不過三服能語聲出

大蒜治驗

一蜈蚣咬傷痛不止用獨頭蒜擦螫處痛立止

一切無名腫痛惡毒發背癰疽用蒜搗斷擦患處立消

一痢疾用古墓中石灰大蒜搗為丸如梧子六米湯送下

一心痛五月五日午時取獨蒜五個搗加泥入黃丹三兩為丸鷄頭子

大晒乾醋磨一丸服之

一蒜味辛熱為陽中之陽能令人氣實悶亂而自吐若蛇虫蠱痕猶為

宜之楮澄以蒜一升吐李道念之鷄雛齊諧記云郭坦之兒食蒜一

畦吐消食籠於頃刻蒜之妙用如此

一 小兒白禿瘡凡頭上團團然白色以蒜揩白處早朝使之
一 治關格脹滿大小便不通用獨頭大蒜燒熱去皮綿裹納下部氣立
通又治腹滿不能服藥以此導之冷則易之効

苦參治驗

一 時疫熱病狂言心燥結胸垂死 苦參切片微炒每服五錢水煎

溫服連進數服有汗無汗即瘥達彌以酒炒熱服

一 傷寒四五日頭痛壯熱胸中煩痛

苦參 五兩 烏梅 二十 剉片水二升煎一升分服

一 傷寒三四日已嘔吐更宜吐之

苦參爲末每服二錢酒調服得吐立瘥

一 天行時病四五日結胸滿痛身體壯熱

苦參一兩剉以醋二升煮取一升二合盡飲食當吐即愈天行毒病

非苦參醋藥不解用溫覆取汗愈

一狂邪發惡或披頭大叫欲殺人不避水火

苦參為末蜜丸如梧子大每十丸薄荷湯下

一片身風熱細疹痒痛不可忍連胸脛臍腹及近陰處皆然痰涎亦多

夜不得睡

苦參一兩皂角二兩水一升揉濾取汁銀石器熬成膏和苦參末為

丸如梧子大食後溫水送二十九至三十九丸次日便愈

瘡疥蓋能殺虫 苦參炒帶烟出為末米飲下

發背或疔瘡疼痛疥癩瘙痒 苦參炒為末水丸每服三錢酒送下

楊梅綿花等瘡 苦參生搗汁飲之効

腸風瀉血并血痢熱痢

苦參炒帶烟出為末米飲下一方炒焦為末水丸梧子大每五十九丸
米飲下

發黃穀疸食勞頭旋惡心怫鬱不安而發黃由失飢大食胃氣冲薰

所致 勞疸者因勞為各 苦參三兩龍胆草一合為末牛胆丸

如梧子大生大麥湯下五九日二服

勞疸加枚子在三七个

一治卒心痛又治飲食中毒魚肉菜等取吐愈

苦參三兩好酒一升半煮八分分二次熱服

一治酒渣鼻 苦參 四兩 當歸 二兩 爲末酒糊丸茶下

一治心肺積熱腎臟風毒攻於皮膚時生疥癩癢痒難忍時出黃水及

生大風手足爛壞眉毛脫落一切風疾並治

苦參 四兩 荆芥 一兩 爲末水糊丸梧子大每二十九茶下

一治楊梅癩風等瘡能治內熱消瘡毒補心養氣

苦參半斤洗淨剉碎分作二處將絹袋兜浸酒一壺春冬浸一月秋

夏浸十日後早晚開服大治瘡科之神藥平居無病浸此藥能消一

切風毒理脾胃常服每壺用半斤有瘡用一斤每坛用酒十五壺

一苦參湯齊大夫病齲齒舍公爲之作苦參湯日漱三升五六日病愈

蓋取其苦能安齒蠹寒能去風熱也後人無風蠹有用苦參湯潔齒

久而病腰重降多故也

百草霜

一白痢肚腹疼痛 百草霜爲末每服二錢空心熱酒調服米湯亦可
一久瘧不愈

百草霜二錢 香附米三錢 研末生蜜爲丸每服三十丸空心烏梅湯
下隔一日用一服不過三服効

一吐血下血 百草霜末每服三錢米飲調下

一吐血用糯米湯下

一口鼻中出血用一字吹入鼻

一皮破血出及灸瘡出血搽半錢立止

一傾血血痢男用公猪血女用雌猪和百草霜爲丸或以血蘸服

一血崩 用陳槐花一兩 百草霜半兩 爲末每二錢燒紅枰鎚淬酒下

一諸瘡并腫瘡

百草霜

過江龍

即小發船石

燒過為末二味研細摻瘡

水斂瘡口神效

一舌腫硬閉塞悶亂

百草霜

食鹽

等分并花水調塗舌

一治熱心氣疼

百草霜末每服二錢熱童子小便調下

一婦人產後下血不止

雜草燒釜秀二錢酒調服

一治吐血及傷酒飽食低頭掬損吐血至多并血妄行口鼻俱出但

未失者投之無不効百草霜每三錢童便酒和服

一治跌撲損傷惡血入腸胃下血瀉如瘀血者 百草霜研細好酒服

雜方

法製芽茶

魯府傳

清火化痰消食止渴解酒

芽茶

一斤淨冷水洗過烘下

白檀香末

五錢

白豆寇末

五錢

片腦

一錢另研

右用

甘草熬膏拌勻茶將三味藥末撒為晒乾不拘時嚼嚥任意下

法製枸杞子

魯府傳

補諸虛滋腎水延年益壽

法製

品雜

治

二

品雜

甘枸杞子紅者半斤白檀香末五錢白豆寇四錢片腦一錢右用甘草

膏并枸杞子三味末為衣任意取用

法製人參膏魯府傳補元氣生津液輕身延年

人參清河大而堅者四兩白檀香末二錢白豆寇末一錢片腦三分研右甘草

膏同煎為衣

上清丸

龍腦薄荷三兩烏梅肉二兩孩兒茶五錢硼砂三錢

真武明粉五錢百藥煎五錢冰片三分白砂糖二兩右為

細末薄荷湯丸如彈丸噙化一方有訶子無玄明粉百藥煎

梅蘇餅清上焦潤咽隔生津液化痰降火止咳嗽

南薄荷葉三兩紫蘇葉五錢白粉葛一兩白砂糖八兩

烏梅肉一兩半右為細末入片腦一分半研細施入同研勻和煉

蜜和成劑略帶硬些丸如櫻桃大每一丸噙化

桂花餅

清痰降火止咳生津

桂花 一兩

孩兒茶 五錢

訶子 七個

甘草 五分

右剉末桂花水為餅每嚼一丸滾水下

玉露霜

真乾菜豆粉 一斤

研細薄荷葉 一斤

以水微溫之用甌先

將薄荷鋪底上用棉布隔住篩子篩豆粉于布上又用薄荷鋪上蓋住紙糊封固蒸一炷香為度取出去薄荷每豆粉一斤用白糖霜四兩和勻用之

查梨膏

用鮮肥山查十斤去核甜梨十斤去核共搗取自然汁入鍋煎

熬如汁十斤入蜜四兩共熬成膏

法製半夏

大半夏一斤先用湯泡七次姜汁浸七日白礬水浸七日甚

硝水浸七日皂角水浸三日再用白礬芒硝煎水浸一日一易至七

日大者切片小者為末如露霜各半夏膏大者名法製半夏每一斤

加薄荷葉六兩炙甘草三兩

歌曰

開膈屢臻靈效 止嘔未必虛談 更能治嗽化涎痰 蘊積胸中不散

夏月能消暑渴 冬天却解沉寒 隨時細嚼有餘甘 利濟人生于萬

上上合香方

排草末 四兩
檀香 一兩
甘松 一兩

陵陵香 三兩

丁香 三錢
薄荷葉 二錢
真射 二錢

荔枝壳 七錢

白芷 一兩五錢
大黃 二兩
比細辛 五錢

酥合香油 二兩
右為細末

衣香方

官桂 二兩
白芷 三兩
大黃 二兩
三柰 一兩

小荷 五錢
細辛 七錢

薄荷葉 一兩
右為末用

德州肥皂

獨活 五錢
白芷 三兩
細辛 七錢
紅豆 五錢

右為末肥皂三斤磨為末 輝糖一斤共搥爛為丸

上上香茶餅

檀香 一兩

柯子皮 一兩

兒茶 一兩

硼砂 一兩

沉香 一錢

薄荷葉 一兩

甘松 一兩

烏梅肉 五錢

右為末甘草一斤水七斤熬成膏為丸再加些冰片尤妙

京山王府香豆豉

鹽一斤薄荷葉兩切甘草果十個去皮蒔蘿二兩小茴一兩

花椒一兩官桂二兩砂仁二兩紅豆去皮五錢

陳皮切絲二兩甘草去皮切杏仁去皮切四瓜仁

橙皮切絲二兩紫蘇切絲二生姜二斤臨菜瓜十斤去穢切

右藥俱為末於三月三或五月五用大黃豆一官斗水淘淨浸一宿

控乾籠蒸熟冷一宿細麵拌勻用篩羅去粗渣甕箔一二尺高芦席

攤豆約二指厚用黃蒿或楮葉并席密覆七日上有黃衣取晒乾簸

淨人料物六月六日下不用水攪勻一日拌四五次裝坛內逐日輪

晒至三七傾出晒半乾濕復入坛內取用或將油拌即是濕豆豉

糯米醬法糯米一小斗如常法做成酒帶漿入炒鹽一斤淡豆豉半

花椒三兩胡椒五錢大茴二兩小茴二兩乾姜一兩

壽世宗元 單品維台

右與酒漿鹽藥俱合作一處磨成醬即成醬調和五味最佳

神仙醋

清明日用粘米一小斗注水浸一七日不許下手放水米內去
一七日後將米放薄包弔在屋簷上四月八日取下米入水三壺桃
條攪一七日封固確內六月六日來開其味酸美

二仙延壽酒

好上等堆花燒酒一坛入龍眼去壳一斤桂花四兩白糖
八兩封固經年愈久愈佳其味清美香甜每隨量飲不可過醉能安
神定智寧心悅顏香口却疾延年

養襄陵酒妙方

烏頭去皮 細辛

白芷

良姜

官桂去粗皮

白木去油 各十二兩

杏仁 一斤六兩去皮尖

右為末入白麪一百斤攪令勻用菘豆五斤煮熟略冷同和一處踏
成小塊內用桑麻葉包裹外用白紙包裹當風處置箔攤上過一七
番一次方用米一斗用比麵十二兩

療病橐籥圖



此圖專治紅痰晝夜不止骨蒸勞熱聲啞

肌瘦氣弱等症若吐血者行七日愈

用呵兩鼻孔入三分要與鼻孔一般大緊

緊的不可出氣治紅痰每次用小酒盃香

甜人乳雞蛋兩箇新鮮猪胰子油切極細

三味攪勻磁器或銀鍾盛砂鍋內蒸熟每

早空心服七日吃七次每呵後方吃



此圖專治中滿氣壅用呵臍上亦治女人

經水不通兼止夢遺

臍上未呵之先將射香三厘乳香一錢孩

兒茶沒藥黃檀香各一錢共為細末將蜜

調作餅一餅貼臍上用生姜一片切如藥

餅大半箇銅錢厚用蘆艾丸如豆子大不

論凡數燒得姜熱覺得臍內微熱即去藥

就呵之先一次用此藥以後不必用

口呵處

人馬二分

此圖人在病人馬口內進二分

流精晝夜不止初開馬口竅先用

黃蠟條如快頭透開

三樣圖器總論

每呵論病者歲次為呵數每歲一呵要是三百六十下數如病者十歲每

轉十呵要三百六十呵有零寧可多呵幾呵更好不可缺數

凡去呵氣的男女但要未呵之先五七日用好酒肉白米飯與食補起他的氣九纏氣完病者得効更速若男子病用童女女人病用童男壯盛無病者呵之若丈夫病用女人呵婦人病男子呵亦可

神仙授命秘訣

一陰一陽道之體也二弦之氣道之用也二家之炁交感於神室之中而成丹也萬卷丹經俱言三家相會盡矣三五合一之妙槩世學仙者皆不知下手之處神室黃道中央戊己之門比喻中五即我也真龍真虎真鉛真汞金木水火此四象皆喻陰陽立牝二物也煉已築基得樂溫養沐浴脫胎神化盡在此二物運用與己一毫不相干即與天地運行日月無二也悟真云先把乾坤為鼎器次將烏兔藥來烹臨驅二物歸黃道爭得金丹不解生此一詩言盡三家矣千言萬語俱講三姓會合雖語句不同其理則一而已矣但週天度數分在六十四卦之內以為筌蹄朝進陽火暮退陰符其數內暗合機也

訣曰 此乃仙師口口相傳之秘旨也寶之寶之

一三二五與三七四九行來五十一六十三分七十五八十七分九返七
若人知此陰陽數便是神仙上天梯

三五一都三箇字古今明者定然稀東三南二同成五北一西方四共之
戊巳自居生數五三家相見結嬰兒嬰兒是一含真氣十月胎完入機

先天度數

五 八 六 四 三
三 九 七 五 三 二

溫養火

朝屯暮蒙

暮退陰符

戌時居右自十六起至四止煉已之
遭正謂此工夫也

朝進陽火

七 五 三 九 七 五 三

寅時居左自三至十七止每圈一次
吹噓此道盡之矣塞兌垂簾默默窺

待先天炁至自十六起至四至止就換於左起三至十七止即換爐用鼎
在右自二四六八十吹噓不用上藥右邊數盡即換於左從一三五七

言下伏元 乃集一 卷
九十一行盡工夫吐水而睡其藥週身無處不到自然而然也卽沐浴也經云採藥爲野戰罷功爲沐浴此之謂也自此得藥之後却行溫養火候之功十月共六百卦終身外有身矣却行演神仙出殼之功一日十飯不覺飽百日不食不顯飢盡矣秘之秘之此二節工夫待人道週全方可行之

此行之時先令病人仰面平枕口噙熱水或乳香酒一口然後令童女照前數吹之吹洗先取紅鉛用未破身童女所行經脈以夏布揉洗令淨或淨花亦可搵下晒乾如用時將熱童便洗下晒乾收起臨用時以童便化開滴於囊籥小頭口邊入鼻內將大頭令童女口噙使力吹之如上法病人候吹氣卽吸人童女氣忌葱蒜酸辣之物久久行之能接補天年行後如覺內熱可服人乳卽能解之

桌箭式

通治



○一論解諸毒藥療諸瘡利關竅通治百病此藥真能起死回生嘗製數萬錠濟人奇効不可盡述凡居家出入與大工動大兵及閩廣雲貴仕宦行兵尤不可無之

神仙大乙紫金丹

名萬病解毒丹

一名紫金錠

一名玉櫃丹

山茨菰

南北處處有之俗名金燈籠葉似非花似燈籠色白上有黑點結子上有三稜二月開花三月結子四月初苗枯空地得

之選則苗腐爛難尋矣與有毒老鴉蒜極相類但其蒜無毛訣識有毛包裏辨去皮洗極淨焙乾二兩

川文蛤 名五倍子槌破洗 射香 棟盡血毛皮殼細研淨三錢

下金子 名續隨子去壳揀色極白者用紙包裏換紙研十數次去

紅牙大戟 杭州紫大戟為上江南土戟次之去芦根洗極淨焙乾一

血者慎之慎之

右製法宜端午七夕重陽或天月德黃道上吉日修合量藥多寡預

期數日前主人及醫士俱齋戒沐浴易新潔衣巾於僻靜室焚香將

前五味各為極細末設盥洗盆出入必淨手熏香各用新潔器盛紙

蓋至期夙興主人率醫士焚香陳設藥品拜請

天地甲用數盆各逐盆配合分兩攪和數百次極勻仍重羅兩遍依方

用糯米濃飲調和於木柏內杵數千下極光潤為度每錠一錢每服

一錠病勢重者連服通利一兩行無効用溫粥補住要在齋心至誠

極其潔淨如法修製男令喪服體氣不具足人婦人鷄犬見之

一切飲食藥毒蟲毒瘴氣惡菌河鮑契死牛馬蛇蠃等諸毒並用凉水

磨服南方毒瘡癩傷人總覺意思不快卽磨服一錠或吐或利
瘡疽發背對口天蛇頭無名疔腫楊梅等一切惡瘡諸風隱疹赤腫
未破時及痔瘡並用無灰淡酒磨服○及用涼水調塗瘡上日夜各
數次覺痒立消已潰出膿血者亦減分數

陰陽二毒傷寒心悶狂言妄語胸膈壅滯邪毒未發及瘟疫及喉閉
纏喉風冷水薄荷一小葉研下

心氣痛并諸氣用淡酒或淡姜湯磨服

赤白痢疾泄瀉肚腹急痛霍亂攪腸沙等症及諸痰症並用薄荷湯

男子婦人急中顛邪喘叫亂走見交見胎鬼氣狂亂失心羊兒猪顛

等風中風中氣口眼喎斜牙關緊急語言蹇澁筋脉攣縮骨節風腫

手脚腰腿周身疼痛行步艱辛諸風諸癩並用煖無灰酒下

白縊溺水死心頭暖者驚死鬼迷死未隔宿者冷水磨灌下

蛇毒風火一應惡虫傷冷水磨塗傷處另用淡酒磨下

久近瘧疾臨發時東流水煎桃柳枝湯磨下。

小兒急慢驚風五疳五痢脾病黃腫癰疹瘡瘤牙關緊急並用蜜水薄荷小葉同磨下及搽量兒大小一丸作二三服。

牙痛酒磨塗及含藥少許良久吞下。

湯火傷流水磨塗傷處。

打撲傷損炒松節無灰酒下。

年深日近頭疼太陽疼用酒入薄荷研爛磨番花貼太陽穴上諸蟲腫脹大麥芽煎湯下。

婦人女子經水不通紅花煎湯下有孕婦人不可服。

家患傳姓勞兄弟五人已死者三方士令服此藥遂各進一錠一下惡物如膿狀一下死虫如蛾形俱獲生其人遂以此藥廣濟死症無不驗者。

一女子久患勞瘵為死虫所筮磨一錠服之一時吐下小虫十餘條後

服蘇合香丸半月遂如常藥昂雖不言補羸瘦人服之並效誠濟世
衛身之寶也每料費銀不過二錢可救數十人內有山茨菰千金子
皆有子可種仁人君子合以濟人陰功不小

牛馬六畜中毒亦以此藥救之

方加雄黃明透者三錢歷試治諸瘡極效

萬應剪金丹

天數五地數五金木水火土若人病血氣能救世間苦

青皮

去穢

黃連

去毛

半夏

湯泡七次

烏梅

全

杏仁

二十五个不去皮尖

陳皮

去白

木香

一兩

檳榔

二十个

枳壳

去穢

巴豆

三十个去壳

黃丹

水非

乳香

各二錢

沒藥

各二錢

御米

五錢

黃蠟

二兩溶入水中

去渣一兩五錢

右為末用黃蠟熔開入藥末和勻如硬加蜜少許為丸如梧桐子大

每服十九湯使于後○紅痢甘草湯下○白痢乾姜湯下○赤白痢

椿根白皮湯下○產後痢當歸湯下○噤口痢蓮肉山藥防風粟米

湯下○久痢下如魚腦濃汁用真人養臟湯加附子一片煎湯下○

水泄用五苓散煎湯下○霍亂吐瀉姜湯下○口吐清水訶子湯下
○咳嗽桔梗杏仁湯下○頭痛腰疼冷氣冲心下元虛損酒下○氣
痛宿食不消生姜湯下○心痛酒下○腹痛葱白湯下○臍下痛芥
菜湯下○蠅虫寸白虫咬心痛檳榔湯下○時氣开花水下○渾身
壯熱沙糖水下○陽毒傷寒梔子黃連湯下○陰毒傷寒附子棗兒
湯下○虛熱柴胡竹茹湯下○寒熱烏梅湯下○上焦虛熱大黃湯
下○脾胃虛寒酒下○一切風痛升麻湯下○大小便不通木通湯
下○一切瘡疥羅蔔湯下○五勞七傷猪胆湯下○打撲傷損酒下
○小兒天吊驚風防已湯下

十仙奪命丹

三稜

莪朮

木香

沉香

丁香

沒藥

川芎

皂角

苦苧蔴

巴豆

去虎槌去州各等分

右爲細末棗肉爲丸如櫻桃大每一丸空心涼水送下

一梅核氣
一鼓滿

一積聚痞結

一癰疽氣塊

一冷腹痛熱水下

一冷心疼

一經脉不通

一食積
一氣積

一冷積

絕糧失食肌備欲死方

粒食者生人之所資數日乏絕便能致命本草有不飢之文而醫方莫言
斯術者當以其涉在仙竒之境非庸俗所能遵故也遂使荒饑之歲餓
屍橫路良可哀乎今略載其易為者云若脫值奔鼠在無人之鄉及墮
墜谿谷空井深塚之中四顧迥絕便須飲水服氣其服法如左

閉口以舌料上下齒取津液而咽之一日得三百六十咽便佳漸習乃可
至于自然不飢三五日小疲極過此便漸輕復有食十二時六成者諸
法恐危逼之地不能曉方面及時之早晚故不論此若有水者卒無器
便與左手貯祝曰丞掾吏之賜真乏糧正赤黃行無過城下諸醫以自

訪畢三叩齒右手指三叩左手如此三遍便飲之後復有盃器貯水尤
佳亦左手執右手以物扣之如法日服三升便不復飢矣

若可得遊涉之地周行山澤間者

但取松栢葉細切水服二合日中二三升便佳又掘取白茅根洗淨切
服之此三物得行暴燥石上搗碎服服者食方可辟一日又有大豆者
取含光明市熱以水服盡此則解十日赤小豆亦佳得熬二豆黃末服
一二升辟十日草中有木天門麥門冬黃精萎蕤貝母或生或熟皆可
單食樹木上白耳及檀榆白皮並可辟飢也

若遇荒年穀貴無以充糧應須藥濟命者

取稻米一斗淘汰之百蒸百曝搗日一食以水得三十日都止則可終
身不食日行三百里

又方粳米一斗酒三升漬之出曝之又漬酒盡

金瘡

天金瘡者或刀斧鎗劍所傷出血不止若出血太多者外用止血生肌之藥內用清心補血而調理之大抵脈浮細易治緊數者難醫

一治金瘡出血不止

海螵蛸 五錢

白龍骨 五錢

五倍子 一兩

赤石脂 一兩

血竭 三錢

麝香 少許

右為細末以冷水洗淨傅於傷處百發百中

一治刀傷石磕損血不止腫毒不可忍

用葱一大把切爛炒如泥熱研乘熱傅之如冷再換其痛即止

一治傷破手足血出不止一時無藥即以白已小便淋洗傷處雖痛甚

而即愈

一治石傷刀損破者

一治石傷

一治石傷

金瘡

十七

用磚上陳石灰研細末傅腫破處血止即愈不出膿又不痛神效

○一止血住痛生肌

金瘡丹

嫩老鼠

未生毛不拘多小

韭菜根

右各等分石曰搗爛人嫩石灰末於內摻乾成餅為度陰乾有時以刀刮藥末敷傷忌婦人鷄犬見之

論金鎗所傷并一切腫瘡馬斷梁等瘡

一捻金 用臘月黑牛膽一個裝入石灰四兩白礬一兩陰乾取出入黃

丹炒一兩研和敷患處

凡一切手足皮膚偶然出血不止或鎗刀刺傷或傷破血腕血長流不

正用手指緊捺患處或麻繩扎住半日或一日即住急服

八物湯生血氣為主

一治箭傷能收斂金瘡口無惡痕 用劉寄奴為末摻之立效

一治金瘡箭簇所傷

用松樹懸皮生爲末石灰煉通紅研爲末和勻傅之止血收瘡口

○一治毒箭傷破欲死者用藍汁傅之如無藍用靛青擦瘡口立愈

○一治打破肢體血出不止中州傅體愛傅

用生半夏爲末摻患處立止

○一凡刀斧所傷血不止切勿飲水令血不止而死者多若血不止急以

布蘸熱湯盒之令冷水浸之即止

○一箭頭入骨肉不能出者用鵝管石爲末撒在四圍箭頭自出

○一治刀斧重傷斫斷手足血出不止痛入骨髓急用手按上捉住

降豆香 一兩到末 老松香 五名

右同研極細重便洗淨四圍用藥敷住止血佳痛生肌接骨

○一治金瘡腫痛出血不止寒熱口乾此氣虛血無所附而血不歸經也

以補中益氣湯加五味麥門主之陽氣復而愈

○一治刀斧傷破打破跌破出血不止開口不合用此止血生肌佳痛立

時見効

金瘡散

銀朱

血竭

髮灰

人指甲

燒存性

珍珠

分

燒存性各等

右為細末研勻每用搽於患處立効

○一治醫針入而針折在肉中 以鼠腦搗如膏塗之○鐵棘竹木諸刺

在肉中不出并蛇骨刺人毒痛方燒死鼠敷之

齒齙傷

○一論人齒咬破指頭痛不可忍久則爛脫手指并手掌諸方不載急用人尿使瓶盛之將患指浸在內一宿即愈如爛者用食蛇龜殼燒灰敷之如無龜用籠殼燒灰搽敷亦可

中毒

人為百藥所中傷其脉洪大者生微細者死又曰洪大而遲者生微細而數者死大凡百毒所中用甘草菜豆水煎服之能解百毒○一法宜多灌香油最良

○一治信毒水粉山砒霜一切殺人之毒

巴豆殼弱者十四箇弱者七箇

花椒去目五分

甘草五分

右共搗為末凉水化服即時嘔吐如不吐再服其毒盡出如嘔吐不止用舊壁土滾水泡服立止

○一論中砒霜毒於肉飯中得之者則易治飲酒中得之者則散歸百脉難治若在胃膈作楚可吐在腹中可下急服藥得吐泄則愈

○一 中砒霜毒諸方

○一 方用菜豆半升細搗去渣以新汲水調服

○一 方用人糞汁灌之立愈

○一 方用臘月猪苦膽服之立已

○一方用早稻草燒灰以新汲水淋汁絹巾濾過冷服一碗毒從下利

○一方刺羊血飲之立効

○一方用黑鉛并水磨服効

○一方用生麻油一碗灌之即愈

○一方用羊血陰乾收貯用井花水調服

○一方用新殺鷄鴨血吃之不用水調

○中砒霜水粉毒

用膽礬一分研爛入井水一小盞和勻服之立解

○中山砒霜毒將死 用絲瓜根木槿葉研涼水吃一二碗立解

○中信毒水粉山砒霜并小兒蟲積用葶藶食之立解

○中巴豆毒者黃連湯飲之効

○中巴豆毒利下不止 乾薑 黃連 炒

右各等分爲細末每服二錢涼水調服

中水粉毒 陳壁隔去硝屑水丸百草霜為衣水送下

一解砒霜毒 硫黃 四錢 棗豆粉 五錢

右為細末冷水調頻頻緩服冬月用溫服如肚痛再加一服待肚不痛用雞毛探吐吐後用溫溫稀粥四五口不可食飯裸以此救數人効

一治誤吞金鎖并銅錢

羊脛骨炭火燒存性為末每服三錢米飲送下取下物從大便中出

一治誤吞銅鉄或金銀等物不能化者

用砂仁濃煎湯服之其物自下

一治誤吞針 用雄磁石為末水丸如櫻桃大吞下即服通利之藥打

下大便而出○昔有一女子將針失嚙下肚諸醫不治用蚕豆煮熟

同葦菜吃下針同菜從大便而出

一兒誤吞針顛喉不下死在須臾

用黑砂糖和黃泥為丸令兒吞下泥裹針于內大便而下

○一方用木炭燒紅急搗細末米湯調呷之

○一方用磁石一塊常呵之自出

○一中半夏毒以生薑汁飲之

○一中杏仁毒搗藍汁解之

○一中桐油毒柿餅嚼吃立解

○一中花椒閉氣不通新汲水飲之

○一中藜蘆毒葱煮汁服之解

○一中啞芙蓉毒或致不省人事用醃醋溫熱入砂糖灌下一二碗探之

○一中草烏川烏附子之毒嘔吐不止以酒灌下立解

○一方用多年陳壁土泡湯如渴用水調服之

○一飲饌中毒用黑豆甘草煮汁恣飲無虞中砒毒者亦効

○一治人或酒後口渴或發熱太甚夜間吃水誤食水蛭在腹或至三五

箇月而面黃肌瘦腹脹滿悶諸藥不効

用泥土爲丸香油爲衣丸如菜豆大每服一百丸或二百丸空心溫水送下其蛭隨土而下且油能泄瀉泥土水蛭之出也故効

○一治誤食河豚魚毒一時危困倉卒無藥最能殺人用香油多灌之毒出盡卽瘥○又法用白礬來以沸湯調灌之立解

○一治誤吞田蠶哽喉不下死在須臾用鴨一隻以水灌八口中少頃將鴨倒懸令出涎水與患人服之其骨卽化

○一治誤食鱧鱉蝦蟇毒用豆豉一大合新汲水浸令豉水濃溫服之

此三物令人大小便秘臍下痛有致死者

○一治誤食蠟中毒者煮紫蘇飲一兩盞卽解

○一方以生藕汁或者乾蒜汁服俱効

○一治凡甲六畜肉毒用犀角濃磨水服一碗良

○一治誤中斑猫毒者煮黑豆汁飲之又宜澤蘭葉搗汁飲之

補遺

○一治服信毒方 建昌胡春寰傳

威靈仙 生者七錢 乾者一兩 菜豆粉 一錢 芝蔴 一錢

右將威靈仙研爛同下二味入凉水二碗攪勻先服一碗次將雞毛如服曰信用雄公雞尾毛如服紅信用白雞毛一根入喉中即吐次又服前藥又探又吐三口愈

○一治信毒神方 建昌鄧少山傳

百草霜 一錢 硫黃 五分 白礬 魚過巴豆三粒燒成灰三味研末 雞清 二箇

黃土 一兩 右水研化濾去渣將藥入內調下

○一方用菜豆粉白礬甘草各等分為細末每服三錢香葱湯下

○一甲礪砂毒研菜豆汁解之

○一治牛肉傷成脹滿用乾稻草濃煎湯服之立消

○一中箭毒以鹽貼瘡上灸鹽三十壯瘥

○一中鱉魚毒可食鱉即解之

○一 中食牛馬肉毒甘草四兩研酒服盡量飲之須臾即吐或瀉如渴切不可飲水飲之即死

骨𩛩

○一 治一切骨𩛩或竹木簽刺喉中不下

勝金方

於臘月中取鱖魚膽懸北簷下令乾每有魚鱖即取一皂子許以酒煎化溫溫呷下若得逆便吐骨即隨頑痰出若未吐更吃溫酒但以吐為妙酒即隨性量力也若更未出再煎一塊子無不出者此藥應是鱖在臟腑中日久疼痛黃瘦甚者服之皆出若卒求鱖魚不得鱖魚鱖魚鱖魚俱可臘月收之鱖魚即黑火頭

○一 治雞魚等骨所鱖

用金櫻子根將竹簽取出搥爛水煎用罐嘴插入喉內灌下勿犯牙

一治諸骨體喉

用玉簪花為末無花用根取汁用好醋調汁灌服不可犯牙犯之落

一治雞魚骨體 用霜梅肉搥成指大丸子再將綿裹用線穿在內冷

茶送下扯住線頭在手一嘔即出

一論諸骨體喉死在須臾百方不効此符屢試屢驗神妙不可言者

打諸骨體符

龜魚 龜雞 龜猪 龜猪 龜 龜 龜 龜 龜 龜 龜 龜

此碗化為東洋大海咽喉化為萬丈龍潭九龍歸洞



呬水

吾奉

太上老君急急如律令

吸東方生炁三口吹入碗中每行此法正面朝東用淨水大半碗放

桌子上左手執拳在胸前右手持劍訣於水碗上書前符號假如魚

骨骸就書龜字符除鳳虎二符勿書又書下八符餘皆做此所食之

骨不過魚與飛禽走獸飛禽俱書鳳字符走獸俱書龍字符

○一咒水治髓法

以淨器盛新汲水一盞捧之面東默念云謹請太上東流順水急急如南方火帝律令勅一氣念七遍卽吹一口氣入水中如此七次患人飲此水立下用此咒可以食針并竹刺皆治之

○一治魚骨髓不出以蒜納鼻中卽出

○一治雞魚骨髓

燈心灰以米糖如指大蘸灰置喉中勿令占齒待糖化骨卽化下

○一治諸骨髓喉以狗涎飲之卽下

○一治骨髓取硼砂一小塊口含化卽下

○一諸骨髓喉池素水傳

黃蠟爲丸如棗大小將溫茶飽服多多爲佳然後服一丸當時諸骨或吐或下如神

一 雜骨髓 用香油煎滾待溫服之即吐出

一 諸般骨髓及魚髓咽喉吞吐不得橄欖食下即化如無橄欖肉用核燒灰水調下亦化

邪祟

脉來乍大乍小乍長乍短為邪祟脉又寸尺有脉關中無脉為鬼脉

鬼脉○得病之初便譫語或發狂六部無脉切太指之下寸口之上有動

脉者是不用服藥宜符咒治之或從俗送鬼亦可

奉承祖灸鬼法

一 治一切驚狂譫妄踰垣上屋罵詈不避親疎等症

以病者兩手大姆指用細麻繩扎縛定以大艾炷置於其中兩小甲

及兩指角肉四處着火一處不着即不效灸七壯神効

一 論狐狸精迷人不問男女被他淫惑直傳至死無法可治者

其狐狸精來先用口陰尸一展其人即昏迷不省或男子來陽物上一展即昏迷用真桐油抹在陰尸陽物上其狐即大嘔而去妙不可言秘之

○一論婦人與鬼魅交通兼辟瘟疫此方最効

辟邪丹

虎頭骨

二兩

朱砂

雄黃

雌黃

鬼白

皂莢

蕪荑仁

鬼箭

蘇蘆

各一兩

右為末煉蜜為丸如彈子大囊盛一丸男左女右繫臂上或當病人房內燒之一切鬼邪不敢近身

○一容忤者中惡之類也多於道間門外得之令人心腹絞痛脹滿氣喘入心胸如不即治亦能殺人搗墨水和服一錢七

○一飛尸者遊走皮膚穿臟腑每發刺痛變作無常

○一遁尸者附骨入肉攻鑿血脉每發不可得近見屍喪聞哀哭便作

○一風尸者淫濯四支不知痛之所作每發皆沉得風雪便作

○一沉尸者纏骨結臟衝心脇每發絞切遇寒冷便作

○一尸注者舉身沉重精神錯襍覺昏廢每節氣至則輒至大惡

右俱宜服蘇合香丸 方見諸氣

○一論中惡客忤心腹脹滿疼痛如錐刀刺痛氣急口噤停尸卒死者以熱湯或酒送下若不下扶頭起灌令下喉須臾瘥未甦更與三丸腹當鳴轉卽吐下便愈若口已噤亦須折齒灌之藥入喉卽瘥忌蘆筍猪肉冷水肥皂之物

備急丹

大黃 巴豆去壳油 乾姜 各等分

右爲細末煉蜜爲丸如小豆大每服三丸量老幼虛實用之

○一論卒鬼繫鬼疰鬼心腹痛如錐刺下血便死不知人事及卧廐齧脚踵不覺者諸惡毒氣病方此是漢文帝時太倉公淳于意方故名

倉公散

白礬生 皂莢 雄黃 藜蘆 各等分

右四味各等分爲細末每用如豆大納竹管中吹入病人鼻內得嚏則

氣通便活若未噎更吹之以得噎為度能起死回生○一方治急時氣
纏喉風漸八咽塞水穀不下牙關緊急不省人事名如聖散加蝎稍七
枚吹鼻吐痰

○一論治妖鬼猶鬼病人不肯言鬼方

用鹿角屑搗末以水調方寸七即言實也

○一論凡遇屍喪玩古廟八無人所居之室及造天地鬼神壇場歸來暴
絕面赤無語者名曰尸疰亦曰鬼疰即中祟之謂也進藥便死宜移病
人東首使主人焚香北面禮拜之更行後火醋薰鼻法則可復甦否則
七竅迸血而死

○一論凡感臭穢瘴毒暴絕者名曰中惡不治即死宜燒炭火一杓以醋
沃之令患人鼻受醋氣則可復甦既蘇以

霍香正氣散服之

方見霍亂

○一凡男婦交感而死在男子名曰脫陽在女子名曰脫陰男子雖死陽

事猶然不痿女子雖死陰器猶然不閉亦有夢中脫死者其陽必舉陰必泄尸容有喜色為可辯也皆在不救

一論初到客舍館驛及久無人居冷房睡中為鬼物所魘但聞其人吃吃作聲使令人叫喚如不醒可用

牛黃

雄黃

各一錢

朱砂

五分

右共為細末每用一錢床下燒一錢用酒灌之

丹溪治一婦人如癰或作或輟恍惚不省人事一日略甦醒診視問忽聞牀上有香氣繼又無所知識丹溪曰氣因血虛亦從而虛邪因虛入理或有之遂以秦承祖灸之病者哀告曰我自去我自去即愈

●一論凡官舍久無人到積濕容易侵人預製此藝之可遠此害極宜暑月燒之以却瘟疫并散邪氣

太倉公辟瘟丹

茅木 一斤

台烏

黃蓮

羌活

白朮

各半斤

川芎

草烏

細辛

紫草

獨活

防風

甘草

藁本

白芷

香附

當歸

荆芥

天麻

官桂

甘松

乾姜

三柰

麻黃

牙皂

芍藥

麝香

右為末紅棗肉為丸如彈子大每用一九燒之

○一卒中惡搗葑汁灌鼻中又宜葱心黃刺鼻孔中血出良

諸崇脉

崇脉面色黯慘或邪視如淫凡脉乍大乍小乍浮乍沉乍長乍短乍有乍

無或錯雜不倫或刮駛暴至或沉伏或雙弦或鈎啄或滾運或橫隔或

促散或尺部大於寸關或關部大於尺寸皆足染崇得之刮駛鈎啄多

見於脾洪運滾七多見於肝橫隔促散多見於心脉大抵崇脉心脉虛

散肝脉洪盛尤可驗焉蓋心藏神肝藏魂心虛則驚惕昏迷神不守舍

而神氣得以八其魂耳

補遺

一治客忤卒死

還魂湯

麻黃

三兩去節

杏仁

七十箇去皮尖

甘草

一兩

右剉末二碗煎至一碗去渣灌之通治諸卒死

○一男子被鬼擊身有青痕作痛者

金銀花煎湯飲之即愈本草謂此藥大治五種飛尸此其驗也

五絕

五絕

一曰自縊

二曰墻壁壓

三曰溺水

四曰魘眩

五曰凍死

凡五絕皆以半身為未冷水為丸如豆大納鼻中愈心溫者一日可治○

又治卒死半夏未如大豆許吹鼻中

扁鵲治產後暈絕半夏為未冷水丸如豆大納鼻孔中即已

○一救自縊死

凡自縊高懸者徐徐抱住解繩不得絕斷上下安被放倒微微撚正喉嚨以手掩其口鼻勿令透氣一人以脚踏其兩肩以手挽其頂髮常令弦急勿使緩縱一人以手摩捋其胸臆屈伸其手足若已僵直漸漸強屈之一人以脚裹衣抵其糞門勿令泄氣又以竹管吹其兩耳候氣從口出呼吸眼閉仍引按不住須臾以小姜湯或清粥灌令喉潤漸漸能動乃止此法自且至暮雖已冷可活自暮至且陰氣盛爲難救心下微溫者雖一日已上亦可活百發百中○一法以半夏末吹鼻中

○一治自縊氣已脫極重者只灸湧泉穴男左女右脚灸三壯卽活○一法男用雄雞女用雌雞刺雞冠血滴入口中卽活

○一救水溺死

○一溺死者先以刀斡開溺者口橫放筋一隻令其牙啣之使可出水又令一健夫屈溺人兩足着肩上一以背相貼倒駝之而行令出其水仍先

取燥土或壁土置地上以溺者仰臥其上更以土覆之止露口眼自然
水氣吸入土中其人卽甦仍急用竹管各於口耳鼻臍囊門內更迭吹
之令上下氣相通又用半夏末搗其鼻又用皂角末綿裹塞囊門須臾
出水卽活○一方艾炙臍中卽活

○一凍死及冬月落水微有氣者脫去濕衣隨解活人熱衣包暖用米炒
熱囊盛熨心上冷卽換之或炒竈灰亦可候身溫暖目開氣回後以溫
酒或姜湯粥飲灌之若先將火炙必死一用雄黃煇硝各等分爲末點
兩眼角

○一壓死及墜跌死心頭溫者急扶坐起將手提其髮用半夏末吹入鼻
內少甦以生姜汁同香油打勻灌之次取藥服如無藥以小便灌之一
取東邊桃柳枝各七寸煎湯灌下

○一中惡魔死者不得近前呼叫但唾其面不醒卽吹脚眼及拇指略移
動臥處徐徐喚之原無燈不可點燈照待少甦用皂角末吹鼻取嚏或

用韭汁灌鼻內亦可

井塚

○一凡夏月不可淘井井中及深塚中皆有伏暑氣人則令人鬱悶殺人如欲人必須先以雞鵝鴨鳥毛投之直下至底則無伏氣毛若徘徊不下則有毒氣也亦有納生六畜等置其中若有毒其物即死若或不日而人當先以酒數升先酒井塚中四邊畔定少時然後可入若覺有此氣衝欲死者還取其井中水酒人面令飲之又以灌其頭及與體即活若無水取他水用之

○又方如已中毒以水噴其面并含水調雄黃末一二錢入水噴之若轉筋人腹痛欲死者使四人捉手足炙臍左邊二寸十四壯又生薑一片劈破酒五盞煮濃頓服又醋煮衣絮令徹溫裹轉筋處又濃煮鹽湯通手洗患疾手足麻胸脇間即甦

出蠱主母

夫蠱毒者有數種皆妖魅變感之氣而毒人也令人心腹攪動痛如有物
咬血肉皆爛若不卽治食人五臟則死此病有緩有急急者十數日卽
死緩者延引歲月遊走腹內氣力羸瘦骨節沉重發則心腹痛煩燥而
所中之物變爲虫漸食臟腑則死矣欲驗之法令人吐中者大抵脉以
而細死浮緩而疾者生

○一治蠱毒方

胥福散

晉蔡

福建茶

各二兩

右爲末每服三錢新汲水調下卽吐効也未吐再服必吐

○一論解一切毒并蠱毒如被狐蠱毒鼠毒惡菌毒河豚毒疫死牛馬驢
肉毒或蛇虫惡犬所傷又治癰疽發背并一切惡瘡諸風癩疹及無名
腫毒母隨手取効萬無一失月人家出人不可無此藥

萬病解毒丸

又名神仙太乙紫金丹方見通治

凡中蠱毒不論年月遠近但煮一雞卵去殼以小銀釵插入其中併令入口一飯之頃取釵視卵俱黑卽爲中毒

嚼生大豆不覺腥者蠱豆皮脹爛者蠱噉白礬味甘不澁者蠱唾津液水碗中沉是蠱浮非蠱

○一辟蠱用葶薺果俗各地栗須用江南所產大者切晒爲末常隨身每以白湯調下二錢傳聞下蠱之家知有此物便不敢使其術矣

○一治百蠱不愈用白雞鴨血灌入口中良

○一解藥毒母蠱毒母虫蛇諸毒

大甘草節以真麻油浸年歲愈多愈妙取甘草嚼或水煎服神効

○仙傳解蠱毒咒法 凡入蠱毒人家方入先闍念咒三遍或七遍云

父爲蚯蚓母爲羅蛇女眷屬七千人吾盡識得汝

右入門先闍通蠱毒萬福舉眼從左手直上數屋緣一遍却低頭如有

茶酒食物來卽左手潛入衣服內拽取陰毛一莖於盤內稱歸就主如前間念咒三遍如有藥盤上自有虫物出來却將毛繫之方知本主自中○又方垢膩散取白礬一塊令病人咀之如覺礬甜卽是蠱毒乃取梳齒內垢膩不拘多少食之卽吐出惡物也

救荒辟穀門

辟穀仙方

黑豆五升淨洗後蒸三遍曬乾去皮

火麻仁三升

湯浸一宿濾出曬乾膠水拌曬去皮淘淨三遍確搗下黃豆

右爲末用糯米粥合和成團如拳大人饒蒸從夜至子住火至寅取

出於磁器內盛貯不令風乾每服一二團以飽爲度不得食一切物

第一頓七日不食第二頓七七日不食第三頓三百日不食渴卽研

火麻子漿飲更滋潤臟腑容貌勝常若要重吃物用葵子三合杵碎

煎湯飲開導胃脘以待沖和無損

救荒代糧丸

黑豆 去皮一升 胃粟 一个

甘草 一兩

白茯苓 去皮五錢

吳木 五錢 砂仁 五錢

右切碎用水五升同豆熬煮文武火直至水盡揀去各藥取豆搗爛丸如雞頭子大將丸瓶密封每嚼一丸則任食苗葉可以終日飽雖異草殊木素所不識亦無毒甘甜與進飯糧亦同

防儉餅

栗子紅棗胡桃柿餅四果去核皮於碓內一處搗爛揉勻捻作厚餅晒乾收之以防荒儉之用○余見一僧化緣但有所得即置此四果搗爛印作磚塊紙包晒乾收罍櫃內一兩月晒一次積久至多砌作一墻人莫能知後遇飢荒人皆逃竄而僧獨留于寺中食此子嘗勸一富翁製此成墻以防飢饉行以賑濟飢人此莫大之陰功也

辟穀散

辟穀散

山藥

蓮肉去心皮

芡實去壳

白扁豆去壳炒

菜豆

去壳炒末 各八兩

薏苡仁去壳十

小茴

炒四兩

白粳米

炒黃二升

右共磨為末每五錢滾白湯調服或用白湯調蒸糕食之亦妙

丹遠行水火不便或修行人欲省緣休糧用黃芪赤石脂龍骨各三錢防

風半錢烏頭一錢炮於石臼內搗一千杵煉蜜丸如彈子大要行遠路

飽吃飯一頓服一丸可行五百里服二丸可行一千里

長生不老辟穀丹

雲南雪白大茯苓去黑皮令淨定粉黃丹白松脂白沙蜜黃蠟各二兩

朱砂五錢金箔二十個水銀三錢先將蜜蠟松脂於淨磁碗內鑄為汁

傾藥在內以木匙攪勻候溫就大丸如指頭大用水銀為衣有死水銀

法先洗手淨用水銀三錢點在手心內以手頭研如泥見手心青色將

藥三五丸搓揉後以金箔約量攤碗內以藥丸在內搖動使金箔都在

藥上密器收貯服時用乳香末半錢水三小盞煎湯溫送下不嚼破服

後第三日覺飢以麩和自茯苓末烙成煎餅食半飽已後藥在丹田永不飢渴久則交過五臟陰滓俱盡長生不死諸人得服並無所忌使人添氣力悅顏容身輕體健百病皆除救貧拔苦實濟世之良方長生之妙法其間若欲飲食俱不妨事但七日之內吃食藥必隨下至半月藥在丹田永不出矣服時面東持藥念呪一遍次在藥上如此七遍畢以乳香湯送下呪曰

天清地寧至神至靈三皇助我六甲護形去除百病使我長生清淨淨心爲申庚左招南斗右招七星吾令立化與天長生吾奉太上老君急急如律令

養元辟穀丹安五臟消百病和脾胃補虛損固元氣填精補髓能令瘦者肥老者健常服爲佳

用黃犍牛肉不拘多少去筋膜切作棊子大斤用河水洗數遍令血味盡仍用河水浸一宿次日再洗一二遍水清爲度用無灰好酒入瓦罈

內黃泥封固桑柴文武火煮一夜取出焙乾為末如黃沙色者佳焦黑無用每半末一斤加入後藥二斤為則

人參

四兩

白朮

去芦陳土炒

白茯苓

去皮為末水浮去筋晒乾

薏苡仁

炒

懷山藥

水潤切片同葱鹽炒黃去葱鹽不用

蓮肉

葱鹽炒去心并葱鹽不用

茨實仁

去声各半斤

小茴香

炒四兩

乾姜

炒四兩

白扁豆

姜汁炒半斤

砂仁

炒二兩

青蘘

四兩

甘草

四兩

烏梅肉

二兩熬濃汁半碗

粳米

炒黃取淨粉五斤半

川椒

去目炒二兩

右藥為末與米粉為末和勻外用小紅棗五斤陳年醇酒五斤煮棗極爛去核加煉蜜二斤半共和為丸如彈子大每服二丸不拘冷熱湯水任下嚼吃一日服三五次永不飢按此方實至道之妙用平時預合荒亂之時可以避難濟飢雖一兩月不食不損胃申元氣實之寶之如渴只飲冷水

灸法門

定例

一定分寸取本人男左女右手中指相屈如環卽以理心從中節旁側量兩頭橫紋角卽截斷爲一寸用之不誤最爲的當

一點穴法皆要平正四體無使歪斜灸時恐穴不正徒壞好肉矣若坐卧立並不得拳縮坐點則坐灸卧點則卧灸立點則立灸反此一動則不得其真穴矣然下火則灸先陽後陰先上後下先左後右先少後多宜審用之

論艾炷大小經云凡灸欲艾炷根下廣三分若不及三分使火氣不得遠達病未能愈則是炷欲大惟頭與四肢欲小耳但去風邪而已小兒及體弱者如麥大

一點艾火古忌松柏枳橘榆桑棗竹八木切宜避之今用清麻油點燈

傳火於艾莖點發其艾是也兼滋潤灸瘡至愈仍不疼痛用蠟燭更
佳

一着艾時宜正巳午時方可用火若午後未時氣盛不可下火并失飢
傷飽憂愁怒罵詈喜笑天陰雨下風雷閃電人神血忌盡皆忌之
一下艾時必先以蒜切片擦穴上然後安艾不然則動止之間其艾必
落矣

一着艾火痛不可忍預先以手指緊罩其穴處更以鉄物厭之卽止
一着火有眩暈者神氣虛也仍以冷物厭灸處其暈自甦再停良久以
稀粥或姜湯與飲之以壯其神復如前法以終其事

一着艾火後須要瘡發所患卽瘡不得瘡發其疾不愈若見灸瘡不發
者用故鞋底灸令熱尉之三日而發仍以小雞鱧魚豆腐等熱毒母之
物與食之謂以毒攻其瘡必發若氣血衰弱者謂之以藥餌

一灸後瘡未發宜烏柏樹葉貼之

一灸後切宜避風冷節飲酒戒房事遠七情可擇幽靜之居養之爲善
一灸瘡痛不止用栢葉芙蓉葉端午午時採陰乾爲細末每遇灸瘡黑
蓋平脫了水調少許如膏貼紙上貼之卽愈

一灸瘡洗法以葱艾薄荷煎水溫洗令逐風邪

一灸瘡已發黑爛疼痛用桃枝柳枝胡荽黃連煎水溫洗

一灸瘡出血用百草霜爲末摻之卽止

一灸瘡已發可用膏藥貼之一二日一見使瘡膿出多而疾除也其膏
必用真麻油入治病之藥或祛風除濕養氣滋血療損補虛之藥隨
症入之爲妙

取穴法

脊骨二十一節大椎三節至尾骶共二十四節

合谷 一名虎口 手大指次指岐骨開陷中手陽明大腸脉所過爲原虛

實皆授之

曲池 肘外輔骨屈肘兩骨中以手拱肘取之手陽明大腸脉所入爲

合谷

頰車

一名機關

耳下曲頰端近前陷中開口有空

肺俞

項後第二椎下兩傍相去各一寸五分手金對乳引繩度之

權以搭手左取右右取左當中指末是正坐取之

心俞

五椎下兩傍相去各一寸五分正坐取之

肝俞

九椎下兩傍相去脊中各一寸五分正坐取之

脾俞

十一椎下兩傍相去脊中各一寸五分正坐取之

腎俞

十四椎下兩傍相去脊中各一寸五分與臍平正坐取之

膏肓俞

四椎下近五椎上兩傍相去脊中各三寸正坐曲脊伸兩手

以臂着膝前令端直手大指與膝頭齊以物支肘毋令搖動取之

銅人灸百壯多至五百壯如病人已困不能正坐當令側臥擗上臂

令取穴灸之又當灸臍下氣海丹田關元中極四穴中取一穴又灸

足三里以引火實下

腰俞 二十一椎節下間宛宛中以挺身伏地舒身兩手相重支額縱

四體後乃取其穴

百會 前頂後一寸五分頂中央旋毛中可容豆直兩耳尖

中膻 膻上四寸君心蔽骨與膻之中胃之募手太陽少陽足陽明任

脉之會上紀者中脘也

丹田 膻下二寸三焦募也

關元 膻下三寸小腸之募是三陰任脉之會下紀者關元也

氣海 膻下一寸半宛宛中男子生氣之海

三里 膝下三寸髌骨外廉大筋內宛宛中兩筋肉分間舉足取之極

重按之則跌上動脉止矣

灸諸病法

一論中風口噤不開牙關緊閉及中氣皆効

人中一穴

頰車二穴

三里二穴

合谷二穴

一論卒中惡風心煩悶毒欲死秘穴立効

取兩足大指下橫紋隨年壯灸之

一論中風口噤不開

機關二穴在耳下八分微前至五壯即語

一論風中血脉則口眼喎斜○中腑則肢體廢○中臟則性命危

凡治莫知發表調氣血治痰諸法然可扶持疾病若要收全功火艾

為良也

一論風中血脉口眼喎斜

聽會 二穴在耳前陷中張口只得之有穴動脈應手

頰車 二穴在耳下一韭葉許陷者宛宛中開口得之

地倉 二穴在橫口吻四分外近下有脈微動者是

凡喎向右者為左邊脈中風而緩也宜灸左喎陷中一七仕喎向左

者為右邊中風而緩也宜灸右喎陷中二七壯

一論風中腑手足不遂等症

百會 一穴在頂中央旋毛中

肩髃 二穴在肩端兩骨間者宛宛中舉臂取之

曲池 二穴在肘外輔骨屈肘曲骨中以手拱胸取之紋頭陷中是

風市 二穴在膝外兩肋骨平立舒下兩手着腿中指盡處宛宛中

三里 二穴在膝下三寸脛骨外大筋內筋骨之間陷者宛宛中

絕骨 二穴在足外踝上三寸動脈中

凡覺手足痺或不仁或痛灸火乃已此將已此中腑之候宜灸此七

穴病在左則灸右在右則灸左

一論風中臟氣塞涎上不語昏危者下火立効

百會 一穴在頂中央旋毛中

風池 二穴在額頭後髮際陷中

大椎 一穴在項後第一椎上陷者是

肩井

二穴在肩上陷罅缺盆上入骨前一寸半以三指按之當其中指下陷者中舉臂取之

曲池

二穴同前

間使

二穴在掌後三寸兩筋間

足三里

二穴同前

凡覺心中憤亂神思不怡或手足麻痺此將中臟之候不問是風濕氣可速灸此七穴但以次第灸之各五七壯日別灸之隨年壯止妙素有風人尤須留意此灸法可保無虞此法能灸卒死凡人風發強忍怕痛不肯灸忽然卒死謂是何病風入臟故也

一論暴啞不能言者

速灸臍下四寸并小便陰毛際骨陷中各灸

一七壯重者二七壯并男左女右手足中指頭盡處各灸三壯神効

一論癩癩不拘五般

以兩手中指想合灸之神効

一治癩疾

晝發灸陽蹻中脉在外踝下赤白肉際

夜發灸陰蹻照海在內踝下赤白肉際各二十七壯

一狐魅神邪及癲狂諸般醫治不瘥者

以兩手并兩足大拇指用軟繩急縛之灸三壯要四處着艾半在肉半在甲要四處盡燒一處不燒則不効矣此法神効

一論魘死秘法凡夜夢魘死者皆由乎日神氣不足致使睡卧神不守舍魂不依體凡魘者切不可執燈照之但向暗中呼其名即醒又一法醫患人足腫即大指甲側即懸又法用牙皂末吹入鼻中亦妙若

經一二更者亦可灸之又一法灸大敦穴七壯即醒

論婦人月家得此不時舉發手足攣拳束如雞爪疼痛

取左右膝骨兩傍各有一小窩共四穴俗謂之鬼眼各灸三壯即愈

一治陰毒腹痛脉欲絕者

先以男左女右手足中指頭盡處各灸三壯又灸臍下一寸五分名

氣海穴三寸名關元穴各灸七壯極効

一論真陰証四肢厥冷腹痛如錐脹急眼大附姜桂如水此中焦寒冷之甚宜急灸臍上二穴臍下一穴臍左右兩穴每七壯卽効

一論中寒陰症神法但手足溫脈至知人事無汗要有汗卽生不暖不醒者死

氣海穴在臍下一寸五分丹田在臍下二寸關元在臍下二寸灸灸二七壯

一論哮喘神法 胸中兩邊名鬱中二穴百會一穴用艾灸之立已

一論霍亂吐利及傷寒忽患咳逆聲不絕

乳根在正直氣下容一指許骨間陷中婦人則屈乳頭度之乳頭際處是穴艾炷如小麥大灸三壯男左女右火到肌卽瘥只是三壯不可多灸

一論呃逆卽欬逆 灸氣海三五壯氣海直臍下一寸半

論灸瘡秘法無新久

令病人仰臥以線量兩乳中間折其中從乳比至下頭盡處是穴男

左女右灸之

式樣

〇

〇

一治瘡如神

今病人跣足於平正處並臍立用繩一條自脚板周匝截斷却於項前般過背上兩繩頭盡處脊骨中是穴先點記待將發急以艾灸之三七壯其寒熱自止此法曾遇至人傳授妙不可言名曰背籃穴也

一論腹中有積及大便閉結心腹諸痛或腸鳴泄瀉

以巴豆肉搗爲餅填臍中灸三壯可至百壯以効爲度

一論灸遠年咳嗽不愈者

將本人乳下大約離一指頭有其低陷之處與乳直對不偏者此各爲直骨穴如婦人卽按其乳頭直向下看其乳頭所到之處卽是直骨穴之地位灸艾三炷其艾只可如赤豆大男灸左女灸右不可差

錯其嗽卽愈如不愈則其病再不可治矣

一論灸勞虫於癸亥日灸兩腰眼低陷中之穴每穴灸艾七炷若灸十炷尤妙先隔一日前點穴方睡至半夜子時一交癸亥日期更灸其虫俱從火便中出卽用火焚之棄於江河中如虫有黑嘴者則其在內已傷人腎臟矣此不可治虫宜謹避瘵有數虫如蜈蚣如小蛇如蝦蟇如馬尾如亂絲如爛麩如蒼蠅如壁油虫上紫下白形銳足細而有口或如白蟻孔竅中皆出此皆勞瘵根毒若傳至三人則如人形如鬼狀

一論四花穴治骨蒸勞熱以稻稈心量口縫如何闊斷其多少以如此長裁紙四方當中剪小孔別用長稻稈躋脚下前取脚大指爲止後取脚曲躋橫文中爲止斷了却還在結喉下垂向背後看稻稈止處卽以前小孔紙當中安分爲四花灸紙角也可灸七壯此四穴正合太陽行背二行鬲俞胆俞四穴

一論泄瀉三五年不愈者

百會穴五七壯即愈有灸至二三十壯而愈者

一論小兒大人吐瀉日久垂死者

天樞二穴在臍傍各開二寸是氣海一穴在臍下一寸是

中脘一穴在臍上四寸

一論霍亂已死而腹中尚有暖氣者

以鹽納臍中以艾灸不計其數

一論番胃垂死男左女右手拿棍一條伸手放在地上與肩一般

高肩上有窩名肩井穴灸三壯即效

一論番胃噎膈神效

膏肓二穴令病人兩手交在兩膊上則脾骨開以手指揣摸第四椎骨下兩傍各開三寸四助三間之中按之酸痛是穴灸時手按兩

膊上不可放下灸至百壯為佳

臆中一穴在肩部中行兩乳中間陷中臆肘取之灸七壯

三星 二穴在膝下三寸筋外臑兩筋間灸七壯

一論頭痛連齒時發時止連年不愈謂之厥逆頭痛

曲髮二穴在耳上將耳捲前正尖上可灸五七壯左痛灸左右痛灸
一論牙疼痛隨左右所患肩尖微近後骨縫中小舉臂取之當骨解陷
中灸五壯灸畢項大痛良久乃定永不發

一論牙痛百藥不効 用艾炷如麥大灸兩耳當門尖上三壯立已

一論心痛神法 兩手肘後陷處酸痛是穴先用香油半鍾重湯煎煮
溫服卽用艾人水粉揉爛爲炷每處灸五壯其痛毒止

一論偏墜氣痛妙法

苧麻子一歲一粒去皮研爛貼頭頂顛上却今患人仰臥將兩脚掌
相對以帶子綁住二中指於兩指合縫處艾麥粒大灸七壯節時上
去神効

一論蠱病及痞塊

中腕一穴 或兩分三寸 石關二穴 分木一穴 左右章門穴

再用綿比患人五手指之長作朝圓蕢以銅錢調下背生此錢所止脊骨處

一論痞積妙法 以雙線繫開元舊錢一箇懸於頸上適中處所錢胸前直垂而下孔對臍為率却將項上之線懸於喉上向背后垂下至錢孔對臍而止用黑點孔之中再錢之兩邊點處各灸一火至十餘壯更服他藥痞積即消其効甚速

一論黃痞

病人脊骨自上數至下第十三椎下兩旁各量一寸灸三七壯効
一論衄血良法 項後髮際兩筋間宛宛中灸三壯立止凡衄血自此人腦注鼻此截法也

一治衄秘法 急用綿一條纏足小指左孔取左右孔取右俱出則俱聽取於指頭上灸三壯如菜豆大若衄多時不止者屈手大指就骨

節尖上灸各三壯左取右右取左俱剉則俱取

一論下血不止秘法 命門一穴用篋一條自地至臍心截斷令患

人平立取之卽向後自地比至脊盡處是穴又須按其突處痠疼方可灸不痛則不灸也灸可七壯止永斷根不發

一論脫肛秘法 百會一穴尾骶一穴各灸三壯炷如小麥大當正

午時用桃柳枝煎湯浴淨灸之神効

一論灸腸風臟毒使血久不止者 以患人平立量脊骨與臍平處椎

上灸七壯或年深者更於椎上兩旁各一寸灸七壯無不除根

一灸痔疾先以柳枝濃煎湯洗痔便艾灸其上連灸三五壯忽覺一道

氣轉入腸中因大轉瀉先血後穢

灸諸瘡法

一論一切瘡毒大痛或不痛或麻木如痛者灸至不痛不痛者灸至痛

其毒隨火而散蓋火以暢達救引驚毒此從治之法也有回生之功

隔蒜灸法用大蒜頭去皮切三文錢厚安瘡上用艾炷於蒜上灸之
三壯換蒜復灸未成者卽消已成者亦殺其大勢不能爲害如瘡大
用蒜搗爛攤患處將艾鋪上燒之蒜敗再換如不痛或不作膿及不
起發或陰瘡尤宜多灸而仍不痛不作膿不起發者不治此氣血虛
之候也

一論腦頂後疽一名天疽俗名對口

男左女右脚中指下俯面第三紋正中用好蘄艾灸七壯

一論發背癰疽初起未破用雞卵半截蓋瘡上四圍用麪餅敷住上
用艾灸卵壳尖上以病人覺痒或泡爲度臭汗出卽愈

一灸疔瘡

用大蒜爛搗成膏塗疔四圍留瘡頂以艾炷灸之以爆爲度如不爆
難愈宜多灸百餘壯無不愈者又灸痘疔蛇蝎蜈蚣犬咬癩癰皆効

一論灸痔神法

用尅薄虫其虫圓而扁去足將此虫合放痔用艾炷灸七壯立消

一論痔漏腫痛膿水粘痛不可忍

用艾炷如梧桐子大灸尾細骨尖上七壯全愈

一論癰癤已破未破以男左女右手搦拳後紋盡處豌豆大艾炷灸三炷三四日已

一論癰癤用養榮湯其癰皆消惟一二個不消者用癩蝦蟆一個剝取皮蓋癰癤上用艾灸皮上七壯立消

一治兩脚俱是疔落腫毒骨痛用獨蒜切片鋪放痛腫處每蒜一片用艾灸二壯去蒜再換再灸至愈爲効

一論赤白汗斑神法或以針刺之出血亦已宜灸夾白穴先於兩乳頭上塗墨令兩手直伸夾之染黑處卽穴也

一論破傷風及風犬咬傷此方最易而效良

用胡桃壳牛筒填稠人糞滿仍用槐白皮襯扣傷處用艾灸之若遍

身汗出其人大困則愈遠年者貼傷處如前灸之亦愈

一論癩狗咬傷并治癩瘰

用穿山甲

剉黃土炒

熟艾

班貓

右為末和勻作炷如黃豆大每一齒傷處用烏柏葉貼瘡口灸十四壯如無烏柏葉以乾人糞薄薄貼之

一人被人打死或踢死急灸百會穴在頭頂中艾灸三壯立甦

一論婦人難產及胞衣不下

急於產母右腳小指尖頭上灸三壯炷如小麥大立產

一論婦人無子及經生子久不再孕及懷孕不成者

以女人右手中指節又一寸反指向上量之用草一條量九寸舒足仰臥所量草自臍心直垂下至草盡處以筆點定此不是穴却以原草平摺以摺處橫安前點處其草兩頭是穴按之有動脈各灸三壯如筋秒大神驗

一論小兒初生三四日內口噤不吮乳多啼者是客風中於臍
循流至心脾二經遂使舌強唇撮

灸承漿一穴取法在唇稜下宛宛中是穴灸頰車二穴各七壯在
耳下曲頰骨後是穴

一論小兒臍風以艾灸臍下卽活

又方用線比兩口角折中以墨記之放臍中四下灸七壯又用新針七
箇刺兩眉口圓圈一百餘下又用房四角草爲火將小兒在火上左
右各轉三遭令出汗卽已

一論小兒慢驚慢脾危症藥力不到者但看兩脚向中間陷處有大衝
脈卽灸百會穴其穴直取前後髮際折中橫取兩耳尖折中在頭之
中心端正旋毛處是也如有雙旋及旋毛不正者非艾灸約小麥許
但三五壯而止灸後仍與醒脾散等補藥

一論小兒雀目夜不見物灸手大指甲後一寸內廉橫文頭白內際各

一 炷如小麥大

一 論小兒吼氣

無名指頭灸之良愈

一 論小兒脫肛瀉血每厥臟腑撮痛不可忍者 百會一壯

一 論小兒驚風 男左乳黑肉上女右乳黑肉上週歲灸三壯二二三歲

兒灸五七壯神効

一 灸蛇毒 人被蛇所傷用艾當喫處灸之引去其毒即瘥

益府秘傳太乙真人薰臍法能補諸虛百病益壽延年

射香

五分爲末人臍內後用藥末放射射香上將麵作圈圍住上用槐皮灸一百二十壯不時更換槐皮

龍骨

虎骨

蛇骨

附子

南木杏

雄黃

朱砂

乳香

沒藥

丁香

胡椒

夜明沙

五靈脂

小蒿

兩頭尖

青塩

右各等分共爲細末入臍中用艾灸之

夫肺爲五臟之華蓋聲音之所出入皮毛以之滋潤腎水由之而生勝

理不密則為風寒暑濕乘虛而入矣有七情當調抑之有鬱結當解
 利之或不密而傷於辛燥之藥則氣不散留滯於肺中多生粘痰而
 喘急咳嗽或傷於房勞飲食不節致使吐血咳血作寒作潮頭暈體
 倦精神怯弱飲食不思等症醫者治之無益則必用此亟治其効可
 勝言哉用射香以引透諸藥入五臟六腑之中大無不人小無不至
 丁香堅守其胃脘飲食之進青鹽入腎以實其子使肺無漏泄夜明
 沙以補其血散內傷之有餘乃伏翼之糞食蚊干蓋取其早食雨露
 夜飲人血而得大人之氣故能補五勞七傷之病非此不能達也乳
 香沒藥木香小茴升降其氣不致咳嗽龍骨蛇骨朱砂雄黃以削病
 根兩頭尖巡視各經絡有推前拽之功附子胡椒補其元氣使血行
 血室氣歸氣宅痰散為津液五靈脂連操其肺削有餘補不足用槐
 皮之聚閉抑諸藥之性使無走竄之患用艾灸之有拔病陰毒起死
 回生之力吏其患勞瘵失血陰虛遺精白濁陽事不舉精神倦怠痰

火症等婦人赤白帶下子宮冷極無子凡百重病無所不能療者用
此灸法則接人性命奪造化之成功延年益壽得虛扁之外術矣其
法先用麪作一團將藥一料分作三分先以射香入臍後以麪圈置
藥在內按鬘以槐皮蓋上以勸艾灸至三十壯但覺熱氣自上而下
或自下而上一身熱透其人必倦怠沉沉而睡矣至六十壯必大汗
如淋上至泥丸下至湧泉骨髓內風寒暑濕臟腑平五勞七傷盡皆
拔除至一百壯則病鮮有不冰釋者矣灸時慎風寒戒油膩生冷酒
色其効難以備述當珍藏之毋輕洩千古秘妙也

卷之五

Blank page with vertical lines for text columns.

Blank page with vertical lines for text columns, showing signs of wear and discoloration.

